

KŌRINTIDENŌ TAKADA PLADE

Pɔlu kũ Kɔrinti Yesudenɔ 1:1-7:16

Yudea Yesudenɔ káamazakɛnaa 8:1-9:15

Pɔlu gina kũ a zĩdao 10:1-13:14

Laakarikpatɛnaa

¹ Makũ Pɔlu, Kirisi Yesu zĩrii Luda pɔyenyĩnaa gũn kũ ó gbɛ Timotio, ókɔnɔ mé o takada dí kɛ sɔsi gbɛ kũ ò kũ Kɔrintinɔnɛ kũ Luda gbɛ kũ ò kũ Kirisi b̀usunno ñ pĩnki.

² Luda ó De kũ Dikiri Yesu Kirisio gbɛkɛ keáɛɛ, à á gba aafiaa.

³ Ò Luda ó Dikiri Yesu Kirisi De sáabu kpá, De Luda wɛndadɔnneri nɛsekpaterii pìi.

⁴ Àdi ó laakari kpátewɛɛ ó wétámmana sĩnda pĩnki gũn, de ò le ò gbɛ kũ ò kũ bee wétámmana kpate taka buri gũnno laakari kpátɛnɛ se kũ laakarikpateɔ kũ Luda ó laakarii kpátɛowɛɛo.

⁵ Lákũ wari kũ Kirisi kɛɛ d̀i liwáí nà, lɛmɛ d̀o ó laakarii d̀i kpátɛ manamana Kirisi yáí.

⁶ Tó ótɛn wari d̀o, á laakarikpatɛna kũ á surabanaao yáimɛ. Tó Luda ó laakarii kpátɛ, á laakarikpatɛna yáimɛ, de à le à wari dokɔnɔ kũ ótɛn kɛ f̃.

⁷ Ó tãmaa ṽí á yã musu sikaa sari, zaakũ ó d̃s lákũ á bàka kũ kũoo warikɛnaa gũn nà, lɛn á bàka kũ kũ ó laakarikpatɛnaao lɛ d̀o.

⁸ Ó gbɛnɔ, ó ye àgɔ d̃s lákũ ò ó wé t̃à Asia b̀usun nà. Ò m̃ɛ ùwá manamana de ó gbãna léla, bee ó wɛndi ó wé d̀oi sero.

⁹ Yã dàóla, óten da o game. Abire ó lé, de òsun ze kũ ó zĩda gbãnaoro, séde Luda kũ àdi gènɔ vu gbãna.

¹⁰ À ó bó kari z̄k̄ɔ̄ gũn, akūs̄ ani ó bon. Àpiin ó wé d̄ci à ó bon d̄o

¹¹ adua kũ át̄en kewere ḡai. Leme gb̄enɔ ni s̄áabu ken̄e dasi ó yã musu gb̄eke kũ à kewere ȳai gb̄e dasinɔ aduak̄ena sabai.

Pɔlu tá gboronaa

¹² Yã kũ odì a ãa d̄an dí: Ó laasun ten owere, kũ Luda gb̄anao ó kú kũ n̄sepuraao manafiki sari andunia gũn, at̄ensa á k̄inaa. Andunia ɔ̄nd̄ɔn ó kúoro, séde Luda gb̄eke.

¹³ Odì takada ke k̄árero, séde a kũ áni a kyó ke à d̄s̄ baasiro.

¹⁴ Lákũ á ó d̄s̄ nà f̄iti tera, má ye à ó d̄s̄ s̄ans̄an, de à ãa d̄ã ó yã musu Dikiri Yesu suḡɔ̄ z̄i, lákũ óni d̄ã á yã musu nà.

¹⁵⁻¹⁶ Yã p̄i náanikenaa gũn ma d̄ite yã, tó maten gé Masedonia, mà b̄ote á k̄inaa mà á gwa káaku, mà era mà su kũ á k̄inaao de à arubarika le ḡèn pla, gbasa à kp̄amai ma Yudea genaa gũn.

¹⁷ Kũ ma tá bire d̄ite, ma yã fute k̄en yá? Tó ma d̄ite mà yã ke, andunia yã d̄i domene are mà pi, ee, ee ke oi, oin yá?

¹⁸ Lákũ Luda náani v̄i nà, yã kũ o òáre bi eeme, adi ke oinlo.

¹⁹ Luda Né Yesu Kirisi kũ makũ kũ Silasio kũ Timotio o a yã waazi k̄árere bi gb̄e kũ àdi pi eeme, adi ke oinlo, àkũme Luda ee ũ.

20 Zaakū lé kū Luda gbè sīnda pínki yāpura dì ke a gūmmε. Abire yāi kū Yesu Kirisi tóo òdi pi, aami, Luda tóbona yāi.

21 Luda mé à ó zīni pète Kirisi gūn kū ákōnɔ, à ó díte a pó ũ,

22 à a sèedaa kèwá, à a Nini dà ó swèn pó kū óni le zenkpeke ũ.

23 Luda ma nèse dō, àkūmε ma sèedade ũ. Kū má ye mà á bobo á dānlo yāin mádi gé Kōrinti doro.

24 Adi ke óten gbāna mǎáre á ludanaanikenaa musunlo, zaakū a zīni pète kò, óten zī ke kǎáo á pōnna yāimε.

2

1 Akū ma zεo kū mani su á kīnaa kū nèseyakanaao doro.

2 Tó ma tò á nèsee yàka, dí mé ani ma pɔ ke nnaa, tó adi ke ákōnɔ kū ma á nèsee yàkaárenɔ baasiroo?

3 Ma takada kèáre le, de tó ma su á gwa, ákōnɔ kū á de à ma pɔ ke nnanɔ sún ma nèse yakaro yāimε. Má dō sǎnsǎn kū ma pōnna bi á pínki pōnname.

4 Ma takada pìi kèáre wari gūn kū pɔsira zōkōo kū wé'i dasio, adi ke de á pɔ yaka yāinlo, de àgō dō lākū má yeái nà yāimε.

Sùrukεna kū taarideo

5 Tò, tó gbēke nèseyakana yā kè, adi ke ma nèseen à yàkaro, á gbē sīnda pínki pómε à yàka, ke á gbēkeno, de màsun o à gē onalaro.

6 Wari kū á daside dò gbē pìia m̀da.

7 Abire yāi à sùru ke kǎao tera sà, à a laakari kpátεne, de a pɔsira kori sún a dero yāi.

8 Abire yāi ma kúte kèáre, à m̀one súsu kū á yei.

⁹ Àkū mé à tò ma takada birekū kě̀áre, ma lí pè̀teoáwa, de mà le mà dŏ́ tó á yā kū ma òáre kūna pínki.

¹⁰ Tó a gbě̀ kě̀ kū a taario, madì ade kě̀ se. Zaakū tó ma gbě̀ yā kě̀ne, tó yāke sù à kun, madì ke á yāi Kirisi are,

¹¹ de Setan sún òndŏ́ kewewero yāi, zaakū ó a manafikinŏ́ dŏ́.

Luda zĩkerinŏ́

¹² Kū ma ka Toroasi de mà Kirisi baaru nna kpá, Dikiri zé b̀omenε,

¹³ ama ma laakari kpatenaro, kū mádi ma gbě̀ndo Titu lero yāi. Akū ma lé zà́mma gwe, ma da Masedonia zén.

¹⁴ Ma sáabu kè kū Ludao, zaakū àdigŏ́ dowere are goro sĩnda pínki, odigŏ́ zĩblerinŏ́ ũ Kirisi gūn, odì a dŏ́na gbĩ dagula gu sĩnda pínkia.

¹⁵ Zaakū ó de turaretiti gbĩnnade kū Kirisi kpàta Ludanε ũ gbě̀ kū àteni n sura banŏ́ té kū gbě̀ kū ò sàtenanŏ́.

¹⁶ Ó de gè gbĩ ũ gbě̀kenŏ́ne, akū àdi ga ińne. Ó de wè̀ndi gbĩ ũ gbě̀ kparanŏ́ne, akū àdi wè̀ndi ińne. Ó dí mé à kà à zĩ bire keε?

¹⁷ Ó de lán gbě̀ kū odigŏ́ laga tá kū Luda yāonŏ́ bàro. Kirisi gūn odì yā o kū nè̀εpurao kū Luda dŏ́naao a zĩrinŏ́ ũ.

3

¹ O era óteni ó zĩda sáabu kpán yá? Ó bàka kú kú sèeda takada kú ò kě̀áre ke kú a kě̀ńneo lán gbě̀kenŏ́ bàn yá?

² Ákōnoμε ó takada pì ũ kũ à kēna ó swèεa. Gbè sīnda pínki ni f̄s à d̄s à a kyó κε.

³ Áten moíne gupuraa kũ ákōnoμε takada kũ Kirisi kè à nàwεε ó oĩ ũ. Adi takada pì kē kũ tawadaaoro, à kè kũ Luda Wèndide Niniome. Adi kē gbè anloaro, à kè á swèεame.

⁴ Yā kũ ó a náani vīn gwe Luda are Kirisi gāi.

⁵ Adi κε o ka ó zīdane ò pi, yā pìi bò ó kīnaanlo, Ludame ó gbāna ũ.

⁶ Àkũ mé à ó káa, akũ ó de a bàka kunna kũ gbēno dufu zīkerino ũ. Adi κε doka kũ à kēnanlo, Luda Nini yāme. Zaakũ doka ò ga íne, Nini pì s̄s, àdi wèndi íne.

⁷ Kũ Luda doka kè gbè anloa, a gakuri bò Musa ānwa. Bee kũ a tékena dí ḡi kero, Isarailano dí f̄s ò gwàro. Tó zé kũ àdi ga íne pìi bò kũ gakuri bire takao,

⁸ oni Nini pì zé gakuri yā o d̄o yá?

⁹ Tó zé kũ àdi yā dańla gakuri vī, zé kũ àdi tó yā bo kũńwo nna gakuri deala zā.

¹⁰ Pó kũ à gakuri vī yā gakuri vī doro, gakuri kũ à deala pì yāi.

¹¹ Tó pó kũ adi ḡi kero bò kũ gakurio, pó kũ àdigō kun gakuri deala zā.

¹² Zaakũ ó támaa bire taka vī, odì yā o kũ swègbānao,

¹³ adi κε lán Musa bàro, kũ à fáta kù a ānwa de Isarailano sún a ān tékena kũ àdi ḡi kero lakana ero yāi.

¹⁴ Ama í s̄s gbāna, zaakũ ari gbāra tó òten Luda bàka kunna kũńwo takada kyó κε, fáta dokōno pìi

dìgõ kú ñ laasunlame. Àdi goro, séto gbě kú Kirisi gūn baasiro.

¹⁵ Ari kū a terao tó òten Musa takada kyó ke, fáta pìi dìgõ kú ñ laasunlame.

¹⁶ Ama tó gbě are d̀ Dikiria, fáta pìi d̀ goa.

¹⁷ Dikiri p̀ime Luda Nini ũ, akūsõ gu kū Dikiri Nini p̀i kún, àdi tó ò gõ ñ zīdane.

¹⁸ Ókõnõ kū pó gò ó ãnnwanõ, óten Dikiri gakuri m̀ne lán dígi bà, odigõ li lán a bà gakuri gõ kara gakurila. Dikiri kū à de Luda Nini ũ p̀i kēnaan gwe.

4

Luda z̀rinõ z̀i

¹ Abire yāi lākū Luda z̀i bire d̀awere a s̀ruu gūn nà, odì kpasoro.

² O ɔ gb̀are asiri wé'isariyãnci, odì yā ke kū manafikioro, akūsõ odì Luda yā kotiro. Odì yāpura oñne s̀usu, de ò ó zīda m̀ gbě sīnda p̀inkine Luda are.

³ Tó baaru nna kū óten kpá utename, gbě kū ò s̀atenanõn à utenañne.

⁴ Zaakū andunia díkīna dikiri Yesusaridenõ wé v̀ina k̀ñne, de òsun baaru nna sí, Kirisi kū à de Luda taka ũ gakuri gu puñnero yāime.

⁵ Ó zīda kp̀akpan óten kero, Yesu Kirisi dikirike kp̀akpan óten ke, akūsõ óten z̀ò bleáre a yāi.

⁶ Luda p̀i, gu pu gusiran, akū à gu p̀ù ó swèn le d̀. Gupura p̀i de a gakuri kū àten té ke Kirisi ãnwa d̀na ũ.

⁷ Ó aruzeke bire v̄i ó m̀è kū ò de lán ã oro bànõ gūn, de ò le ò d̄s kū gb̀ana z̀kõõ p̀i b̀ò Luda k̀inaame, adi ke ó k̀inaanlo.

⁸ Òdigõ wari dɔwá kpa sīnda pínkia, bee kū abireo odì fuaro. Òdi bídi ke, ama ó tāmaa dì lákaro.

⁹ Òdi wé tāwá, ama Luda dì ó tónlo. Òdi ó pāte, ama odì garo.

¹⁰ Gɔɔ sīnda pínki ó kú Yesu ga taka buri léi, de a kunna le à pisi ó mèea yāi.

¹¹ Zaakū ókõno kū ó bēnenõ odigõ kú ga léi Yesu yāi, de a kunna le à pisi ó mè kū ani gaa yāi.

¹² Len ga pi ten zī ke ó gūn le, akūsõ wēndi ten zī ke á gūn.

¹³ À kēna Luda takadan ò pi: Má Luda náani vī, akū ma yā ò. Ókõno sō, o Luda náani dokõno pìi kè, akū óten yā o a yāi.

¹⁴ Zaakū ó dō kū lākū Luda Dikiri Yesu vù gan nà, ani ó vu kāao gan se, ani ó káte a arɛ lɛlɛ kū ákõno.

¹⁵ Yā dínõ pínki teni ó lé á yāi, de Luda gbēke kū àten li gbēnoɔ dasi le a sáabukpana kara a tóbona yāi.

Wédona mè dufui

¹⁶ Abire yāi odì kpasaro. Bee tó ó mè ten kakate, ó nini digõ dufu kū lākū gu digõ dɔ nà.

¹⁷ Ó wétamma gɔɔ do lɛkɛnle díkīna ten gakuri zōkō kū àdi lákaro iwɛɛ, kū adi sí lɛkōaro.

¹⁸ Ó wé pé pó kū òdi wé sialɛaro, sé pó kū òdi wé sialero. Zaakū pó kū òdi wé siale bi gɔɔ pla pómɛ. Pó kū òdi wé sialero sō, àdigõ kun gɔɔ sīnda pínki.

5

¹ Ó dō kū tó ó sò kū ó kun kpé ũ andunia dí gūn yàka, Luda ni kpé kū odi bo kū ɔoro kpáwá a bea ari gɔɔ sīnda pínki.

² Tera s̄ odì nda s̄ò p̄i ḡun, ó ye ò ludambe p̄ó p̄i da,

³ zaakū tó o bo s̄on, óniḡo kun m̄e sariro.

⁴ Goro k̄ú ó kú s̄ò dík̄ina ḡun, odì nda lákū ó aso s̄ena bà. Adi ke ó ye ò bo a ḡunnlo, ó ye ò ludambe p̄ó dame, de w̄endi ó s̄ò k̄ú ani ga p̄i m̄ó.

⁵ Abire ȳain Luda ó soru kei, akū à a Nini kp̄awá p̄ó k̄ú óni le zenkp̄eke ū.

⁶ Abire ȳai ó sw̄eè dìḡo gb̄ana. Ó d̄s̄ goro k̄ú ó kú m̄e dík̄ina ḡun, ó kú Dikiri k̄inaaro.

⁷ Zaakū ludanaanikenaan ó kúo, adi ke w̄ésinaale ȳanlo.

⁸ Ó sw̄eè dìḡo gb̄ana. Bona s̄ò p̄in gena Dikiri k̄inaan ó yei.

⁹ Kunna m̄e ḡunn yá, bona a ḡunn yá, odìḡo wete ó ȳa káagu.

¹⁰ Zaakū Kirisi niḡo vutena a t̄intinnwa, ó p̄inki óni bo ò ze a are, ani f̄ina bo ó baadine a kunna m̄e ḡun ȳakenaa, a mana ke a v̄ani.

Bis̄asirin̄o kena nna k̄ú Ludao z̄i

¹¹ Lákū óten v̄ina ke Dikirine le nà, odì wete gb̄eño ȳa p̄i z̄e e. Luda ó d̄s̄ s̄ans̄an, akūs̄ó ó ye à ó d̄s̄ á sw̄en le d̄o.

¹² Óteni ó z̄ida s̄áabu kp̄ááre donlo, óteni á gba z̄e à ãa d̄á ó ȳa musume, de à le à ȳa we gb̄e k̄ú àdi ãa d̄á k̄ú m̄e ȳao, adi ke sw̄eè ȳanloa.

¹³ Tó áten da ó m̄i lít̄e, Luda ȳaime. Tó ó kú ó d̄or̄ōa, á ȳaime.

¹⁴ Zaakū Kirisi yenyĩ mé àten té káogu. O è tó gb̄e m̄en do gà gb̄e s̄inda p̄inki ȳai, ò gà ñ p̄inkin gwe.

15 À gà gbě sīnda pínki yāi, de gbě kũ ò g̀̀nɔ súnḡḡ kun ń zīda pó ũ doró, séde gbě kũ à gà ń yāi à vù pó.

16 Abire yāi odì gběke gwa lákũ andunia gbě̀nɔ dì gwa nà tera doró. Bee kũ ó Kirisi d̄́ lákũ andunia gbě̀nɔ a d̄́ nà yā, ó a d̄́ le tera doró.

17 Zaakũ tó gbě kú Kirisi gũn, à g̀̀ gbě dufu ũ. A kunna zī g̀̀te, kunna dufu mé à g̀̀ne.

18 Abire bò Luda kīnaame pínki. À ó ké k̄́ao nna Kirisi gāi, akũ à gbě̀nɔ kena nna k̄́ao zī d̄́weɛ.

19 Kirisi gũn Luda andunia kè k̄́ao nna gbě̀nɔ taarinɔ yā danaa sari, akũ à gbě̀nɔ kena k̄́ao nna pì yā n̄́weɛ ó ɔ̄.

20 Abire yāi Kirisi gēnenɔn ó ũ. Luda ten gbě̀nɔ sísi ó gāi. O kúte kèáre Kirisi gbèn, à ke nna kũ Ludao.

21 Luda tò durunnasaride g̀̀ durunna kútekebo ũ ó yāi, de kunna a gũn Luda tó yā bo kũoo nna.

6

1 Zaakũ Luda zīkeri dakenɔn ó ũ, o kúte kèáre, àsun Luda gběke sí à a ke p̄́aro.

2 Luda pì:

Ma n yā mà a gɔrɔa,

ma kpanyĩ surabana gɔrɔ.

Gɔrɔ kà sà, gb̄́rame surabana gɔrɔ pì ũ.

3 Odì yā kũ ani tó gbě fu kero, de òsun ó zī taari lero yāi.

4 Odì ó zīda mɔ gbě̀nɔne zé sīnda pínki gũn kũ Luda zīkerinɔn ó ũ. Odì mena f̄́ manamana kũ takasio kũ wario kũ wét̄́mmanaao.

5 Ó ó gbě, ò ó ká kpésiran, ò fùtewái. O zī gb̄́ana kè, ódi le o i òro, nà ó dé.

6 O m̀ónne kũ ǹesepurao kũ d̀ónaao kũ s̀uruuo kũ manakenaao kũ Luda Ninio kũ yenyĩ manafiki sario

7 kũ ỳapura'onaa kũ Luda gbãnao. Ó yãmanakeb̀ǹǹ kũna ó ɔplan kũ ó ɔzeo.

8 Òdi ó kpe ta, òdi ó kpe bo. Òdi ó t́ v̄ani sí, òdi ó t́ nna sí. Yãpuradeǹǹǹ ó ũ, akũ òdi ó dite manafikideǹǹǹ ũ.

9 T́ódeǹǹǹ ó ũ, akũ òdi ó dite lán gbẽ kũ ò n̄ d̄roǹǹǹ bà. Ó b̄n̄eme fá, akũ òdi ó dite gèǹǹǹ ũ. Òdi ó dite p̀ógb̄eǹǹǹ ũ, ama òdi ó d̄ero.

10 Ó p̀o d̄iḡõ nname, akũ òdiḡõ ó dite p̀osiradeǹǹǹ ũ. Odi gb̄eǹǹǹ ke aruzekedeǹǹǹ ũ dasi, akũ òdiḡõ ó dite takasideǹǹǹ ũ. Ó p̀o s̄inda p̄ínki v̄ĩ, akũ òdiḡõ ó dite p̀osarideǹǹǹ ũ.

11 K̄rintideǹǹǹ, o yã òáre súsu, o ó ǹesee w̄éáre.

12 Ódi ó ǹesegũnyã uteárero, ama a á p̀o ùtewere.

13 Ma yã òáre lán ma n̄eǹǹǹ bà. Lákũ o ó ǹesee w̄éáre nà, à á ǹese w̄ewere le se.

Àsun ke lee kũ Yesusarideǹǹǹoro

14 Àsun ke dok̄ǹǹǹ kũ Yesusarideǹǹǹoro. Yã mana bàka ũgba kũ a v̄anioo? B̄ón gupura kũ gusirao v̄ĩ kũ k̄soo?

15 Kirisi yã ni k̄o sí kũ Setan p̀oo deramee? Derame Yesude bàka niḡõ kú kũ Yesusarideoo?

16 Luda kpé dì k̄o sí kũ t̄anaǹǹǹ yá? Zaakũ Luda W̄èndide kpén ó ũ, lákũ à ò nà:
Maniḡõ kú kũńwo, maniḡõ kure n̄ té,
maniḡõ de n̄ Luda ũ,
oniḡõ de ma gb̄eǹǹǹ ũ.

17 Abire yãi Dikiri p̄i:

À kḗm̃ma, àg̃ kú ádona,
 àsun ɔ na pó gbāsīaro,
 mani á sí,
¹⁸ manig̃ denε De ũ,
 ánig̃ de ma nég̃gbēnɔ ũ kú ma nénɔgbēnɔ.
 Dikiri Gbānasīndapinkide mé à ò.

7

¹ Ma gbē yenyīdenɔ, lākū Luda lé sèwεε le nà, ò mi kē yā kú àdi mè kú ninio gbã léa mámmam, ò ó kunna adona lé papa vīnakena Ludanε gūn.

Pɔlu pɔ kè Kɔrintidenɔa nna

² À tó ó yā g̃ kú á swèn. Ódi taari ke gbēkenεro, ódi gbēke sātero, ódi gbēke taki kero.

³ Mádi abire o mà yā daálanlo. Ma ò yā kò kú á yā kú ó swèn ò ga læεε ke òg̃ kun læεεmε.

⁴ Má á náanikena manamana, madì lé gbē á yā musu manamana. Ó warikεnaa gūn pínki ma laakari kpatεna métemεε, ma pɔ kè nna à gè ɔla.

⁵ Bee kú o ka Masedonia b̀sun, ó mè dí kpátero. Wari likawái kpa sīnda pínkia, ò fùtεwái kú fitio, vīna ó kú.

⁶ Akū Luda kú àdi gbē kú ò b̀sanɔ sé lei ó sé lei Titu sunaa gūn.

⁷ Adi ke a sunan adoro, kú a a sè lei yáimε dɔ. À p̀wεε áteni ma bege ke, á kú d́nd̃mεnε gūn, ma yā á kūna gbāna sà, akū ma pɔnna kàra.

⁸ Bee kú takada kú ma k̀áre á nèsee yàka, mádi nèse lítεro. Kú ma è takada p̀ á nèsee yàkaáre gɔɔ pla, de ma nèse lítε yā,

9 ama ma pɔ kɛ̀ nna sà. Adi ke kũ ma á pɔ yàkaáre yáinlo, kũ á pɔsira tò a nɛ̀sɛ̀ líte yáimɛ̀. Á nɛ̀sɛ̀yakanaa pìi bò Luda kĩnaame. Abire yáì ódi ásarú kɛ́árero.

10 Pɔsira kũ à bò Luda kĩnaa, àdi tó gbɛ̀ nɛ̀sɛ̀ líte à surabana le, ani dínđómene kero. Andunia pɔsira mé àdi ga íñne.

11 À gwa pɔ kũ pɔsira kũ à bò Luda kĩnaa pìi iáre. Á mɛ̀ wà sà, a gi kũ á zĩdao, á laakaríi fùte, vĩna á kũ, a ma bɛ̀ge kè, a wé tã, a n sã gà. Yá pìi gũn pínki a á zĩda mòñne kũ á taari vĩ yá pìi gũnlo.

12 Bee kũ ma takada pìi kɛ́áre, adi ke gbɛ̀ kũ à taari kè ke gbɛ̀ kũ ò taari kène yáinlo, ma kè Luda dõnaa gũmme, de á yenawái le à boáre gupuraa.

13 Abire yáì ó laakari kpatena. Ó laakari kpatenaa pìi gbera, ó pɔnna kàra manamana Titu pɔnna yá musu, kũ á pínki a tò a nini sù yáì.

14 Ma lé gbènɛ̀ kũ á yáo yá, ádi tó wé'i ma kũro. Lákũ o yápura òáre yá sĩnda pínki gũn nà, len ó légbèna Titunɛ̀ kè yápura ù le.

15 Lákũ a bèere lĩne nà, a a kpe tà, akũsɔ a a yá mà á pínki, tó à dò á yá pìin, a yenaái dì karamɛ̀.

16 Ma pɔ dìgɔ̀ nna, kũ má á náanikena yá sĩnda pínki gũn yáì.

8

Kɔkamazakenaa

1 Ó gbènɔ̀, ó ye àgɔ̀ gbèke kũ Luda kè Masedonia bùsu sɔsinɔ̀ gbènɔ̀ne dɔ̀.

² Ní ȳogwanaa kũ wétãmma pãsiõ gũn, ñ pɔ kè nna manamana, akũ bee kũ ñ takaside búgubugukεo ò gba dàñne à gè òla.

³ Ma òáre ò gba dà kũ nèse mèn doo ñ gbãna lén, à de ñ gbãnala se.

⁴ Ò wé kèwá ñ zĩda, ò kúte kèwere manamana, ò ñ gba zé ñ ò le àgõ kú Luda gbẽnɔ kámazakenaa gũn.

⁵ Ò kè de pó kũ ó wé òwila, ò ñ zĩda kpà Dikiria gĩa kũ ókõnɔ òw Luda poyenyĩnaa gũn.

⁶ Abire yãì o wé kè Titua à gé kámaza yã kũ à nàa á té lakiti ke.

⁷ Zaakũ á gbãna yã sĩnda pínki gũn, ludanaanikena kũ yã'onaao kũ dõnaao kũ yã sĩnda pínki aniao kũ yenyĩ kũ á vĩ kũooo, àgõ gbãna kámaza pì kenaa gũn ò.

⁸ Adi ke maten yã diteárenlo, ania kũ gbẽ pãndenɔ kèen maten oáre, de mà á yenyĩ yápura dõ.

⁹ Á ó Dikiri Yesu Kirisi gbẽke dõ. Póde inaa gõ pósaride ũ á yãì, akũ a pósarideke gũn à á ké pòdenɔ ũ.

¹⁰ Lákũ ma è nà yã pì musun dí: À kũ ákõnɔ kũ a ze kũ yã pìio zaa muniyã akũsõ áten kenɔ,

¹¹ à yã pì lakiti ke sà. Zaakũ á soru kè kũ a kenaa, à ke á gbãna lén.

¹² Tó gbẽ gba dà kũ nèse mèn doo pó kũ à vĩ lén, adi ke kũ pó kũ à vironlo, abire mé àdi ká.

¹³ Adi ke maten aso lago gbẽ pãndenɔne, maten diárenlo, de à ke leeeme.

¹⁴ Tera lán dí bà zaakũ pó diái, à kpá gbẽ kũ pó àdi kĩammanɔa, de zĩkea tó pó diñyĩ, akũsõ pó kĩaáwa, ò kpááwa. Lán abire bà ániḡ lee.

¹⁵ Lákũ à kèna Luda yãn nà ò pì:

Gbē kū à sètè zōkō pó dí dialaro,
gbē kū à sètè fítì pó dí kíaro.

Titunoyá

¹⁶ Ma sáabu kè kū Ludao, kū à tò á yá kú Titu swèn lákū à kú ma swèn nà se.

¹⁷ À ó yá mà, a mèè wá à su á gwa, lákū a pò yei nà.

¹⁸ Ó gbē do kū a tó dàgula sòsinò gbēno té n pínki baarunnakpanaa musun o dànè.

¹⁹ Abire gbera do sòsinò gbēno a dà à gé kūoo kámaza zī kū óten ke ke. Óten zī pì ke Dikiri tóbona yáime kū ania kū ó vīo.

²⁰ Ó ye gbēke ó taari e lákū óten ke nà kū gba zōkō kū à na ó ǒ yāoro.

²¹ Adi ke yá kū à mana Dikirinèen óten péa adoro, yá kū à mana bisāsirinònemè se.

²² O ó gbēndo pānde dàńne do. O a laakarì gwà a lé vīro, o è à ania vī yá sīnda pínki gūn, akūsō a ania èra à kàra tera, kū à á nánikena yāi.

²³ Titu dake sō, ma zīkeri dake kū odì á mana wete lèelen a ũ. Ó gbē kparano sō, sòsinò gbēno zìrinòme, mókònomè Kirisi tóborino ũ.

²⁴ Abire yāi à mǎńne kū á yeńyĩ, de sòsi gbē pìno gō dō kū lé kū óten gbē á yá musu bi yāpuramè.

9

¹ Adi kū mà takada kēáre Luda gbēno kō kámaza kenaa pì yá musuro,

² zaakū má dō kū a nèsemana dà, akū ma lé gbè Masedonia gbēno ma pì, Girisi gbēno soru mà zaa muniyā. Á aniakènaa pì n gbēno mèè fùte dasi.

³ Akū ma ó gbě pìnɔ zláwa de àgõ kú soru gūn lákū ma ò nà, de lé kū o gbè yā pìi musu sún ke pāro.

⁴ Tó Masedonia gbēkenɔ sù kūmao, tó ò è á soru dí manaro, wé'i ni ó kū, kū o á náanikena yāi., Oni á pó o dɔ yá?

⁵ Abire yāi ma dīte à mana mà o gbě pìnɔne ò domene arɛ, ò gba kū a gīnake a a lé sè yā keke káaku, de á soru gõ mana, àgõ de nèsedo gba ũ, adi ke gba tilasinlo.

Gbadana kū nèsedo

⁶ Àgõ yā dīkīna dɔ:

Tó n tò fíti, ĩni kē fíti,

tó n tò zókõ, ĩni kē zókõ.

⁷ Baadi kpá lákū à dà a swèe gūn nà ānsisinaa sari tilasii sari. Luda ye gbě kū àdí gba da kū pɔnnaooi.

⁸ Luda ni fɔ à tó arubarika sīnda pínki likaái, de gɔɔ sīnda pínki pó sīnda pínki mósáwa yā sīnda pínki gūn ari à fè kááo à yā mana sīnda pínki keo.

⁹ Lákū à kēna Luda yān nà ò pì:

Àdi pó fā takasidenɔne,

a yāmanakena lakana vīro.

¹⁰ Lákū Luda dī póburi kpá pótōriia nà kū pó kū òdi bleo, ani póburi kpááwa, à karaárɛ, de á manakena ɔgbɛ le à ɔ tá.

¹¹ Ani á ke pódene ũ yā sīnda pínki gūn de àgõ gba da dasidasi gɔɔ sīnda pínki, gbēno Luda sáabu kpá gba kū a dàíne ó gāi yāi.

¹² Zaakū Luda gbēno pókīammana bókɔten kámaza zī pì ten ke adoro, ani tó Luda sáabukpana dagula manamaname dɔ.

¹³ Gbẽnɔ ni Luda tɔ bo, zaakū kámaza kū a kèe pì ni mɔ́nne, kū a m̀i nàte Kirisi baaru nna kū a zeoone, akūsɔ a gbẽke kè́nne kū gbẽ s̀inda pínkió kū nèse doo.

¹⁴ Oni adua keáre kū á yáo dana n̄ swèn Luda gbẽke kū à p̀isiáwa yáí.

¹⁵ À Luda sáabu kpá a gba kū à gè onala yáí.

10

Pɔlu gina kū a zĩdao a zĩyá musu

¹ Makū Pɔlu, ma kúte kèáre kū Kirisi nèseyĩdao kū a busekeo, makū kū òdi pi, tó má kú kááo má buse, tó má kú kááoro s̄, madìḡ p̄sĩáre.

² Ma wé kèáwa, tó ma su, àsun tó màḡ p̄sĩ kááoro, zaakū mani f̄s màḡ p̄sĩ kū gbẽ kū òdi pi andunia yá mé àten dowerε arenɔ.

³ Ó kú andunia gũmme, ama odì z̄í ká lán andunia gbẽnɔ bàro.

⁴ Ó ḡskebɔnɔ bi andunia pónlo, Luda ḡskebɔ gbána kū odì zeki gbánanɔ gboroonɔme. Odì éke lékpakɔananɔ gboroo

⁵ kū yòḡ yá kū àdi gínne ò Luda d̄so pínki. Odì laasun s̀inda pínki mìle ble, de ò m̀i natε Kirisine.

⁶ Tó a m̀i natεwere mámmam, o laka kū ò wé t̄a s̄yāmarisaridenɔa.

⁷ Adì yá gwa musume. Tó gbẽ a zĩda nánikena kū Kirisi pón a ũ, ade ḡ d̄n kū Kirisi pón ó ũ lán a bà se.

⁸ Bee tó ma lé gbè à kè z̄k̄ doka kū Dikiri kpàwá yá musu, wé'i ni ma kūro, zaakū á z̄ni petena yáime, adi ke á letena yáinlo.

⁹ Àsun ke lánd̄s̄ má ye mà v̄ina dadaái kū ma takadakēnao bàro.

¹⁰ Òdi pi ma takadanɔn bèere vī, akūsō ò gbāna, ama tó ò wé sìmale, àdi n kũ gbānaro, ma yā dì ká póke léiro.

¹¹ Gbē kũ òten o lenɔ gō dō kũ lākũ ó yānɔ de nà takadanɔ gūn tó ó kú kãáoro, len óni ke le, tó o kō è.

¹² Dín ó ũ ò ó zīda ke lele kesō ò ó zīda lekōa kũ gbē kũ òteni n zīda sáabu kpánɔ. Tó ò n zīda kpākūsū kōo kesō ò n zīda lèkōa kōo, òdigō òndōro.

¹³ Ókōnɔ sō, óni lé gbē de a lélaro. Óni gbē ikokeki kũ Luda dítewere lémmē, kũ à à ká á kīnaa se.

¹⁴ Lākũ o ka á kīnaa nà, óten vī ó ikokeki lélaro, zaakũ o su kũ Kirisi baaru nnao ari á kīnaa káaku.

¹⁵ Odì lé gbē de a léla, ò gbē pāndenɔ zī ká ó pólaro. Zaakũ á ludanaanikena ten kara, ó ye zī kũ óten ke á tē tá manamana ari à ká ikokeki kũ Luda dítewere lén,

¹⁶ de ò gé ò baaru nna pì kpá būsũ kũ ò kú á arenɔ gūn, légbēna kũ gbē pāndenɔ tàragaabanaao sari.

¹⁷ Tó gbē ye à lé gbē, à gbē Dikiri yā musu.

¹⁸ Adì ke gbē kũ àdi a zīda sáabu kpá mé à manaro, sé gbē kũ Dikiri dì a sáabu kpá.

11

Pɔlu kũ ziri ékenɔ

¹ À mena kũmao kũ ma yōnkokeo fíti. Ama áten mena kò.

² Lākũ Luda dì gōba kpá nà, len maten kpá le se á yā musu. Ma á kpá Kirisia á gō mèn do ũ, de mà á kpázāa lākũ nɔkpare lési bà.

³ Lākũ mlè òndō kè Awaune nà, à a sàte, vīna teni ma kũ kũ ani á laasun likaraáre le se, de à á nana Kirisia gbāsī sari kũ nèsedoo tó.

⁴ Tó gběke sù à Yesu yā kū à bò ado kū ó póso waazi kèáre, adì sí araga. Adì nini kū à bò ado kū pó kū a sio sí, adì baaru nna kū à bò ado kū pó kū a mào ma.

⁵ Maten da má kīana zìri kū a n díte zōkō kùnōi yāke gūnlo.

⁶ Bee tó má lénaro, má dōna vī. O m̀áre á pínki súsú yā sīnda pínki gūn.

⁷ Kū ma baaru nna kū à bò Luda kīnaa waazi kèáre p̀sinaáwa sari, akū ma a zīda b̀usa á karana yāi, ma taari kèn yá?

⁸ Ma s̀osi pāndenō gbēnō taki kè, ma a bakaa lèmma, de mà le mà zī keo á té yāi.

⁹ Goro kū má kú kááo, tó p̀ ten kīama, madì wari dō gbēkearo. Ó gbē kū ò bò Masedonia b̀sunno s̀umene kū p̀ kú àten kīamao. Maten we mà ke á gbēkene aso ũro, akūsō mani we mà ke á gbēkene aso ũro.

¹⁰ Kú Kirisi yāpura kū à kú ma gūnwo, gběke ni kpámene mà lé p̀i gbē Girisi b̀sunlo.

¹¹ B́yáin ma ò lèe? Luda dō kū má yeái.

¹² Yā kū maten ke, manigō keme, de mà gbē kū òteni n zī lekōa kū ó p̀sonō zīni zōzō kū n légbēnanao.

¹³ Gbē bire takano bi zìri ékenome! Zikeri manafikidenome! Ódi li Kirisi z̀irinō ũ.

¹⁴ Yā bonsarenlo. Bee Setan p̀i di li gupura malaika ũ se.

¹⁵ Zaakū leme, tó a z̀ikerino li yā mana z̀ikerino ũ, yābonsarenlo. Kpekpe oni n yākenaa gbè le.

P̀lu warikena a z̀irike gūn

¹⁶ Ma era maten o dō, gběke sún ma gwa ỳnko ũro. Tó len s̀oro, àgō ma dite lán ỳnko bà, de mà le mà lé gbē fíti.

17 Yā kū maten o, Dikiri mé à ma danlo. Lé kū maten gbě ma zīda náanikenaa gūn, maten gbě yōnkọke gūmme.

18 Lákū gbēno ten lé gbě n zīda yā musu dasi nà, makū se mani gbě.

19 Zaakū ákōno òndōrinō adì mena f̄s kū misaridenō kū pōnnao.

20 Tó òteni á ke zòno ũ, tó òteni á aru mi, tó òteni á taki ke, tó òten deńla mǎare, tó òteni á sǎn ke, adì mena f̄s.

21 Yápurame, ó buse kū yā pìno kenaa! Abire kèmenē wé'iyā ũ! Ama pó kū gbě náanikena, àteni a lé gbě, má a náanikena se. Maten abire o yōnkọke gūmme.

22 Eberunome n ũ yá? Àkū ma ũ se. Isarailanome n ũ yá? Àkū ma ũ se. Ibrahī burinome n ũ yá? Àkū ma ũ se.

23 Kirisi zīkerinome n ũ yá? Má a zīkeri ũ deńla. Maten o lán ãade bàme. Ma zī kè deńla, ma dana kpésiran deńla, má a gbēna lé dōro, ma kunna ga léi lé vīro.

24 Yudanō ma gbě kū flāao lé bupla mèn donsari ari gèn sōoro.

25 Ò ma lele kū gòoo gèn aakō. Ò ma papa kū gbèeo gèn do. Gó'ite kpàte kúmao gèn aakō, ma ke goro do isira gūn fānantē kū gwāanio.

26 Ma wētegena dasino gūn madìgō kú kariii gūn: Swa kariii, kpāni wédeweno kariii, Yudanō kariii, buri pāndenō kariii, wēte gūn kariii, sènte kariii, ísira kariii, Yesude ékenō kariii.

27 Ma zī gbāna kè kū wāwāo, ma itē kè a lé vīro, nà ma de, ími ma kū, madìgō kun póbленаa sari gèn baaakō, má té punsi ãa gūn.

²⁸ A kparanɔ onaa baasi sɔsinɔ gbẽnɔ sɔnda pínki laasun dī tǔma lákū gu dīgɔ dɔ nà.

²⁹ Dí mé ani busa, mà gí busaii? Dín oni kē zéa à gí ũmaa?

³⁰ Tó à kù mà lé gbě, mani gbě ma gbānasarike musumε.

³¹ Luda ó Dikiri Yesu Kirisi De dǔ kū maten éke toro. Ògɔ a sáabu kpá gɔrɔ sɔnda pínki!

³² Gɔrɔ kū má kú Damasuku, akū kína Areta asakpa pì ò wěte pì bīnilenɔ dākpá, de ò le à ma kū yāi,

³³ akū ò ma bo wondoo gūn, ò ma kipa kū bàao tǎnko gūn bīni kpe, akū ma bàa sì.

12

Pɔlu wégupu'ena

¹ À kù tilasi mà lé gbě. Bee kū à àre vīro, mani lé pá wégupu'enanɔa kū yā kū Dikiri mòmɛnɛnɛnɔ sà.

² Má gběke dǔ Kirisi gūn, ò a sè ò gèe kǎao ari ludambε aakɔden, a wě gēro donsarin dí. À gèe kū mēɛon yá, mēɛ sarin yá, má dǔro, sé Luda.

³ Má dǔ kū ò ade pìi sè ò gèe kǎao aruzennamme. À gèe kū mēɛon yá, mēɛ sarin yá, Luda mé à dǔ.

⁴ À yā kū àdi sí oro mà, kū bisāsiri ni fɔ à babaro.

⁵ Mani lé gbě ade yā musu, mani gbě ma zīda yā musuro, sé ma gbānasarike yā.

⁶ Bee tó mani lé gbě, adi ke má yǔnkɔnlo, zaakū yāpuran mani o. Ama mani lé gběro, de gběke sún ma dite de pɔ kū à èma ke yā kū à mà ma lénlaro.

⁷ De màsun ïa dǎ yā zǔkɔ kū Luda mòmɛnɛnɛnɔ musuro yāi, à pɔ sòtɔ ma mēɛ gūn Setan zīri ũ, àgɔ wé tǎma, de màsun ïa dǎro yāi.

8 Ma wé kè Dikiria gèn aakõ yã pìi musu de à pò pì bo ma mèn,

9 akū à pìmenε, a gbēke kū adì kemεne mòmá. Gbānasarikε gūnn a gbāna papana di bon. Abire yāi mani lé gbē kū pɔnnao ma gbānasarikε musu, de Kirisi gbāna gõ kú ma gūn.

10 Abire yã mé à tò madi pɔnna ke kū gbānasarikεo kū wé'idammanaao kū wario kū takasio kū wétámmanaao Kirisi yāi, zaakū gɔrɔ kū gbāna kīaman madigõ gbāna.

Kɔrintidenɔ yã Pɔlu kūna gbāna

11 Ma yɔnkɔyã kè, ákɔnɔ mé a ma dan. Ákɔnɔmε à de yã à ma sáabu kpá. Bee tó má kun póke ũro, má kīana zìri kū a n díte zɔkɔ kùnɔi yáke gūnlo.

12 Ma a kunna zìri ũ m̀áre kū menao manamana sèedakenanɔ kū yābonsarenɔ kū daboyānɔ gūn.

13 Bó mé à á kīa sɔsinɔ gbē kparanɔaa? Ke kū mádi gõ á gbēkenε aso ũro yāii? À sùru ke kúmao kū taari dio!

14 Tera sà ma soru kè mà su á kīnaa a gèn aakõdeo, akūsõ mani gõ á gbēkenε aso ũro. Ákɔnɔ mateni á wete, adi ke á pónɔn maten wetero. Zaakū denɔ mé òdi aruzεke díte n nénɔne, adi ke nénɔ mé òdi díteńero.

15 Mani f̃ mà pò kū má ṽ deáre pínki, mà a zīda kpááwa kū pɔnnao. Tó ma yenaái ten kara, á yenamai ni lagon yá?

16 Bee kū a we kū mádi gõáre aso ũro, gbēnɔ di pi, wézērin ma ũ, ma pò siáwa kū ɔndõo.

17 Ma á blé gbē kū ma n zīáwanɔ ke gāi yá?

18 Ma kúte kè Titune à gé á kīnaa, akū ma ó gbēndo dàne. Titu á blén yá? Ó nèse dokōnōnloo? Ó ágba dokōnōnloo?

19 Áten da yā óten boki weten yá? Lenlo! Óten yā o kū Luda dōnaao kunna Kirisi gūmmē. Ma gbē yenyīdenō, ma abire òáre pínki á zīni pētēna yāimē.

20 Vīna teni ma kū kū tó ma su á kīnaa, mani á le lákū má ye nàro, akūsō áni ma e lákū á ye nàro. Maten vīna ke fitiine kū nēsegōbaao kū pōfēo kū ania pāsīo kū kōyakanaao kū kōpinaao kū ĩadānaao kū zukakanaao.

21 Vīna teni ma kū kū tó ma era ma su á kīnaa, ma Luda ni tó wé'i ma kū á arē. Gbē kū ò durunna kè yā, ò gbāsī kè, ò pāpā kè, ò wé'isariyā kēnō, tó odi nèse lite ò mī kè yā pīnōaro, mani pōsira ke kūńwo.

13

Lédamma kpekpe

1 Ma suna á gwa gèn aakōden dí. Òdi yā pínki yāpura ma sèedade gbēnōn pla ke gbēnōn aakō léi.

2 Ma gīnake ma lé dà gbē kū ò durunna kēnōa yā kū gbē kparanō dō ma suna á kīnaa gèn pladeo, tera ma era maten lé darńma dō bee kū má kú kááoro, tó ma era ma su dō, mani n gbē ke tóro yoo!

3 Áten sèeda wete kū Kirisi ten yā o ma gāin yá? Tò! Adi ke Kirisi gbāna sarinlo, à gbāna á té.

4 Bee kū à gà lía gbānasarike gūn, à kun tera kū Luda gbānaomē. Lemē kunna a gūn ó kú kū gbānasarikeo le se, ama ónigō kú káao á té kū Luda gbānao.

⁵ À á zĩda tàasi ká à gwa, tó á kú Yesu Kirisi náanikenaa gūn. À keke à á zĩda gwa. Á dō kū Kirisi kú á gūnloo? Tó lenlo, a funame.

⁶ Má dō kū áni e ódi fuaro.

⁷ Óten wé ke Ludaa de àsun yā vāni ke kero. Adi ke de gbēno ó zĩ sáabu kpá yāinlo, de à a mana ke yāime, bee tó òteni ó gwa gbē funano ũ.

⁸ Óni fō ò bo yāpura kpero, sé ò zéó.

⁹ Tó ó gbāna vīro, akūsō á gbāna, ó pō dìgō nname. Odi adua keáre de à keke à bo mana.

¹⁰ Ma yā birenō keáre kū má kú kááoro, de tó ma su, màsun keáre pāsī kū doka kū Dikiri kpàmaoro. À kpàma á zīnipetena yāime, adi ke á letena yāinlo.

¹¹ Tò, ma gbēno, à pōnna ke. À yā keke à bo mana. À ma lédamma ma. À lédokōno ke àgō nna kū kōo, Luda yenyīde aafiade gō kú kááo.

¹² À fō kpákōa kū Luda gbēno lépemmanaao. Luda gbēno fō kpàáwa ní pínki.

¹³ Dikiri Yesu Kirisi gbēke keáre, Luda gō yeái, kōgbēkena gō kú á té kū Luda Ninio á pínki.

Luda yá takada kú Bisá yáo
Portions of the Holy Bible in the Busa language of
Nigeria

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

PDF generated using Haiola and XeLaTeX on 18 Apr 2025 from source files dated 31 Aug 2023

8631d380-7d17-5581-abf9-174814e8ccc3